

শরৎ-জ্যোৎস্না

আজকে রাতের চাঁদের আলো বিপুল স্রোতে আসে,
এই ভুবনের দিকে দিকে কোথাও খাঁড়ম না সে।
আকাশখানার পার্ব্বখানি কানায় কানায় ভরে'
উছল ধারে সে সূধা আজ উপচে বারে' পড়ে।

নাইকো রে ঠাই নাই,

কোথায় ধরে' রাখব এরে, নিজেই ভেসে যাই !

এ আলো যে বর্ষাকালের উপচে-বাওয়া নদী,
দু'কূল ভাসে, তবুও বারি ছুটছে নিরবধি।

আকাশ ভাসে, ভুবন ভাসে,

চাঁদের এ প্রেম তবুও হাসে,

ভাসিয়ে গাছে মাঠে গৃহে তবুও নাহি থামে।

এ প্রেম আমায় জড়িয়ে ধরে,

হাজার চুমোয় অঙ্গ ভরে,

বুকের দুয়ার আপ্নি খুলে সেথায় যে রে নামে।

আজকে চাঁদের পারাবারে

একাকার হয় পারাপারে ;

নিখিলের এ মাতাল সূখে আমারও প্রাণ খোলা।

আজকে রাতের এ কি আলো, এ কি পুরাণ-ভোলা!

শ্রী প্যারীমোহন সেনগুপ্ত

অধ্যাপক।